捣藻堂四庫全書

音薈

要

史部

欽定四庫全書管要史部

群校官內閣侍黃章恭 球



一致定四庫全書會要卷四千九百八十三史部 謂所親曰大丈夫若遇主逢時必當立功立事以 永康公父詮隋趙郡守靖姿貌環偉少有文武材略每 舊唐書卷六十七 靖本名藥師雅州三原人也祖崇義後魏殷州刺 後晉司空同中書門下平章事劉 þ 芳師 問 信唐書 孫敬業 晌 撰

之素當扮其粉謂精曰卿終當坐此大業末界除馬邑 曹後歷駕部員外郎左僕射楊素吏部尚書牛弘皆善 貴其舅韓擒虎號為名將每與論兵未當不稱善撫之 曰可與論孫吳之府者惟斯人矣初仕隋為長安縣功 城執靖將斬之靖大呼曰公起義兵本為天下除暴 **丞會高祖擊突厥於塞外清察高祖知有四方之志** 白鎮上變將指江都至長安道塞不通而止高祖尅 不欲就大事而以私怨斬壯士乎高祖壯其言太宗

卷六十七

充以功授開府時蕭銑據荆州遣靖安輯之輕騎至金 與瑗設謀擊之多所剋獲既至破州阻蕭銑久不得進 又固請遂捨之太宗尋召入幕府武徳三年從討王世 州遇蠻賊數萬屯聚山谷盧江王瑗討之數為所敗靖

祖怒其建留陰敖硖州都督許紹斬之紹惜其才為

之請命於是獲免會開州蠻首再肇則反率衆寇夔州 臉設伏臨陣斬肇則俘獲五千餘人高祖甚悦謂公卿 郡王孝恭與戰不利靖率兵八百襲破其管後又要

舊唐書

進將下峽諸將皆請停兵以待水退靖曰兵貴神速機 路險必謂靖不能進遂休兵不設備九月靖乃率師而 其年八月集兵於夔州銑以時屬秋潦江水泛漲三峡 行軍長史高祖以孝恭未更戎旅三軍之任一以委靖 也又手敢靖日既往不答舊事吾久忘之矣四年靖又 竭誠盡力功効特彰速覽至誠極以嘉賞勿憂富貴 十第以圖蕭鈍高祖從之授靖行軍總管無攝孝恭 定匹庫全書 聞使功不如使過李靖果展其効因降璽書勞曰

恭果敗奔於南岸賊舟大掠人皆負重靖見其軍亂縱 奮擊破之必矣孝恭不從留靖守營率師與賊合戰孝 文士弘率精兵數萬屯清江孝恭欲擊之靖曰士弘 兵無以應敵此必成擒也孝恭從之進兵至夷陵銃 健將士卒縣勇令新失荆門盡兵出戰此是救敗之 恐不可當也宜自泊南岸勿與争鋒待其氣衰然後 所謂疾雷不及掩耳此兵家上策縱彼知我倉卒徵

E

Le data I

舊唐書

不可失今兵始集銑尚未知若乘水漲之勢倏忽至城

戰 師義存弔伐百姓既受驅逼拒戰豈其所 兵擊破之獲其舟艦四百餘艘斬首及溺死將萬人孝 一靖又破其驍將楊君茂鄭文秀停甲卒四千餘人 遣靖率輕兵五千為先鋒至江陵屯營於城下士 兵圍銃城明日銃遣使請降靖即入據其城號令嚴 敗銃甚懼始徵兵於江南果不能至孝恭以大軍 死者罪狀既重請籍沒其家以賞將士靖曰王者 無私馬時諸將咸請孝恭云銑之將帥與官軍 願且大吠

之善於是遂止江漢之城聞之莫不争下以功授上 救焚拯溺之義但恐自此已南城鎮各堅守不下非 國 其主無容同叛逆之科此蒯通所以免大戮於漢祖 所懷賴九十六州户六十餘萬優部勞勉授嶺南道 一李光度衛真長等皆遭子弟來謁靖承制授其官爵 制拜授乃度衛至桂州遣人分道招撫其大首領馬 封永康縣公賜物二千五百段部命檢校荆 新定荆郢宜弘寬大以慰遠近之心降而籍之恐非 d.in 舊唐書 州 刺

惠亮為将角之勢孝恭集諸將會議皆云惠亮正通並 其巢穴丹陽既破惠亮自降孝恭欲從其議靖曰公 於梁山連鐵鎮以斷江路築却月城延衰十餘里與 慰大使檢校桂州總管十六年輔公柘於丹陽反部 强兵為不戰之計城柵既固卒不可攻請直指丹 恭為元帥靖為副以討之李動任環張鎮州黃君漢 三萬屯當塗陳正通徐紹宗領步騎二萬屯青林山 七總管並受節度師次舒州公祐遣將馮惠亮率升 医屋鱼 明

背受敵恐非萬全之計惠亮正通皆是百戰餘賊公 孝恭然之靖乃率黄君漢等先擊惠亮苦戰破之殺 憚於野戰止為公柘立計令其持重但欲不戰以老我 丹陽留停旬月進則公祐未平退則惠亮為患此便 溺死者萬餘人惠亮奔走靖率輕兵先至丹陽公祏 今欲攻其城柵乃是出其不意滅賊之機唯在此舉 城柵尚不可攻公祏既保石頭豈應易族若我師至 舊唐書

精鋭雖在水陸二軍然其自統之兵亦皆勁勇惠喜

督府長史丹陽連羅兵寇百姓凋弊靖鎮撫之吳楚以 兵東走以趨遊仙至吳郡與惠亮正通並相次擒獲江 都督高祖每云李靖是蕭銃輔公祐膏肓古之名將 南悉平於是置東南道行臺拜靖行臺兵部尚書賜 張瑾屯大谷時諸軍不利靖衆獨全尋檢校安州大 懼先遣偽將左遊仙領兵守會稽以為引援公柘摊 八年突厥寇太原以靖為行軍總管統江淮兵 以好百口馬百匹其年行臺廢又檢校揚州大 月百世

州道行軍總管頡利可汗入涇陽靖率兵倍道超函 取 不意直趨惡陽嶺以逼之突利可汗不虞於靖見官 衛霍豈能及也九年突厥莫賀吐設寇邊徵靖為 賊歸路既而與虜和親而罷太宗嗣位拜刑部尚書 書令三年轉兵部尚書突展諸部離叛朝廷將圖 録前後功賜實封四百户貞觀二年以本官無檢 至於是大懼相謂曰唐兵若不傾國而來靖豈敢 靖為代州道行軍總管率驍騎三千自馬邑出 J. d. 1 111/ 舊唐書 六 進

è

軍 昔李陵提歩卒五千不免身降匈奴尚得書名竹帛 進封代國公賜物六百段及名馬實器馬太宗嘗謂 親康蘇密來降四年靖進擊定襄破之獲隋齊王陳之 保鐵山遣使入朝謝罪請舉國內附又以靖為定襄 子楊正道及煬帝蕭后送于京師可汗僅以身通以 -而至一 三千輕騎深入虜庭克復定襄威振北秋古今所未 報往年渭水之役自破定襄後頡利可汗大懼退 正屋白雪 日數驚靖候知之潛令間諜離其心腹其所 功

官兵至也靖軍將逼其牙帳十五里虜始覺頡利畏威 遇其斥候千餘帳皆俘以随軍頡利見使者大悦不虞 以破齊也如唐儉等輩何足可惜督軍疾進師至陰山 行人在彼未宜討擊靖曰此兵機也時不可失韓信所 舊唐書

其意謂將軍張公謹曰詔使到彼屬必自寬遂選精騎

萬齊二十日糧引兵自白道襲之公謹曰部許其降

年二月太宗遣鴻臚卿唐儉將軍安修仁慰諭靖祸知

行軍總管往迎頡利頡利雖外請朝謁而潜懷猶豫其

妻隋義成公主頡利乘千里馬將走投吐谷渾西道行 破 軍總管張寶相擒之以獻俄而突利可汗來奔遂復定 先走部衆因而潰散靖斬萬餘級俘男女十餘萬殺其 襄常安之地斥土界自陰山北至於大漠太宗初聞靖 國家草創太上皇以百姓之故稱臣於突厥朕未當不 無往不提單于殼塞耶其雪乎於是大赦天下酺五 頡利大悦謂侍臣曰朕聞主憂臣辱主辱臣死往者 心疾首志滅匈奴坐不安席食不甘味今者暫動偏 定匹庫全書 | 詔為畿內道大使何察風俗尋以足疾上表乞骸骨言 一錢公今朕意已悟公勿以為懷賜絹二千匹拜尚書右 宗 絹干匹真食色通前五百戶未幾大宗謂靖曰前有人 奇質散於亂兵之手太宗大加責讓靖頓首謝久之太 日御史大夫温彦博害其功譜靖軍無綱紀致令虜中 分射靖性沉厚每與時室祭議恂怕然似不能言八年 謂曰隋將史萬歲破達頭可汗有功不實以罪致戮 則不然當赦公之罪録公之熟詔加左光禄大夫賜

生っちとう

書平章政事九年正月賜靖靈壽杖助足疾也未幾吐 谷渾冠邊太宗顧謂侍臣曰得李靖為帥豈非善也靖 足可嘉朕全非直成公雅志欲以公為一代楷模乃下 身居富貴能知止及者甚少不問愚智莫能自知才雖 甚懸至太宗遣中書侍郎本文本謂曰朕觀自古已來 不堪强欲居職縱有疾病猶自勉强公能識達大體深 國官府佐並依舊給患若小廖每三兩日至門下中 部加授特進聽在第攝養賜物千段尚乘馬兩匹禄

定四庫全書

卷六十七

敵唯靖决計而進深入敵境遂踰積石山前後戰數十 總管征之九年軍次伏侯城吐谷渾燒去野草以餧我 為西海道行軍大總管統兵部尚書任城王道宗涼州 又立大寧王慕容順而還初利州刺史高甑生為鹽澤 都督李大亮右衛將軍李道彦利州刺史高旣生等二 乃見房玄齡曰靖雖年老固堪一行太宗大悦即以靖 殺傷甚衆大破其國吐軍之衆遂殺其可汗來降靖 退保大非川諸将成言春草未生馬已羸瘦不可赴 指唐書

)總管以後軍期請簿責之甑生因有憾於靖及是與 戚不得妄進十一年改封衛國公授濮州刺史仍 煙閣十八年帝幸其第問疾仍賜絹五百匹進位衛 續十七年部圖畫靖及趙郡王孝恭等二十四人於 故事築関東突厥內鐵山吐谷渾內積石山形 襲例竟不行十四年靖妻卒有的墳堂制度依漢衛 迮 匹庫在 意 ,生等竟以經周得罪請乃闔門自守杜絕實客雖 都督府長史唐奉義告请謀反太宗命法官按 卷六十七

前謂曰公南平具會北清沙漠西定慕容唯東有高麗 未服公意如何對曰臣往者憑藉天威薄展微効令 其贏老不許二十三年薨于家年七十九冊 ·德譽嗣官至將作少匠靖弟客師貞觀中官至右 都督給班劍四十人羽葆鼓吹陪葬昭陵諡曰景武 朽骨唯擬此行陛下不棄老臣病期瘳矣太宗愍 公開府儀同三司太宗將伐遼東召靖入閣賜坐 贈司徒并

衛將軍以戰功累封丹陽郡公永寂初以年老致仕

舊唐書

)

尚食事令問雖特承恩龍未當干預時政深為物論 監先天中預誅實懷貞等功封宋國公實封五百户令 城之外西際澧水鳥獸皆識之每出則鳥鵲随逐而噪 在藩時與令問好神及即位以協贊功累遷至殿中 馳獵四時從禽無髮止息有别業在昆明池南自京 固解實封部不許開元中轉殿中監左散騎常侍 人謂之鳥賊總童中卒年九十餘客師孫令問玄宗 然厚於自奉食饌豐侈廣畜夠養躬臨宰殺時方奉 灾 匹 屋台 明

靖官告勅書手部等十餘卷內四卷太宗文皇帝筆迹 彦芳鳳翔府司録參軍詣關進高祖太宗所賜衛國公 郊野從禽自娱十五年凉州都督王君臭奉廻統部落 文宗實情不能釋手其佩筆尚堪書金裝木匣製作精 胡為强生分別不亦遠於道乎略不以恩眄自恃問適 巧帝並留禁中令書工模寫本還之賜芳絹二百匹衣 叛令問坐與連姻左授無州別駕尋卒大和中令問孫 舊唐書

佛其篤信之士或譏之今問曰此物畜生與果菜何里

李動曹州離林人也隋末徙居滑州之衛南本姓徐氏 今此土地是公及動鄉壤人多相識不宜自相侵掠 幸城人程讓聚衆為盜動往從之時年十七謂讓日 千鍾與其父盖皆好惠施拯濟貧乏不問親疎大業 世動永殿中以犯太宗諱單名動馬家多僮僕積 靴笏以酬之 自相資助讓然之於是却公私船取物兵衆大振隋 郡地管御河商旅往還船乘不絕就彼邀截

定匹庫全書

卷六十七

動領麾下五千人自原武濟河掩襲即日尅之開倉恣 當共動說程讓奉密為主隋令王世充討密動以奇計 大水死者将半隋帝令飢人就食黎陽開倉脈給時政 **吃於陣初李客亡命在雍丘沒儀人王伯當匿於野伯** 遣齊郡通守張須险率師二萬討之動與頻戰竟斬須 敗世充於洛水之上密拜動為東海郡公時河南山東 下大亂本是為飢今若得黎陽一倉大事濟矣密乃遣 巴奈倉司不時脈給死者日數萬人動言於密曰天

Li dula I

舊唐書

一樣之未有所屬調長史郭孝恪曰魏公既歸大唐今此 之罪拜為太尉封魏國公授動右武候大將軍命討 擊之大敗而去武德二年密為王世充所破權眾歸朝 其舊境東至于海南至于江西至汝州北至魏郡動並 具 及密遣動守倉城動於城外掘深溝以固守化及設 食一句之間勝兵二十萬餘經歲餘字文化及於江都 逆擁兵北上直指東郡時越王侗即位於東京教密 四面攻倉阻壓不得至城下動於壓中為地道出兵 攻

其父盖為濟陰王盖固辭王爵乃封舒國公授散騎常 軍改封曹國公賜姓李氏賜良田五十項甲第一區封 使者以動意聞奏高祖大喜曰徐世動感德推功實統 使啓密使人初至髙祖聞其無表惟有啓與密甚惟之 軍人戶口總啟魏公聽公自獻此則魏公之功也乃遣 自為已功以邀富貴吾所恥也今宜具録州縣名數及 人衆土地魏公所有也吾若上表獻之即是利主之敗 也部授黎陽總管上柱國菜國公尋加右武候大将 指唐書

表請收葬部許之動服衰經與舊僚吏將士葬密於黎 李密反叛伏誅高祖以勣舊經事密遣使報其反狀勣 侍陵州刺史令勘總統河南山東之兵以拒王世充及 兵沈悦請翻武牢動夜潜兵應接剋之擒其偽刺史荆 為質令動後守黎陽三年自拔歸京師四年從太宗代 山之南墳高七仞釋服而散朝野義之尋而實建德擒 王世充於東都累戰大捷又東略地至武年偽鄭州司 化及於魏縣復進軍攻動力屈降之建德收其父從軍

獲圓朗斬首以獻兖州平七年部與趙郡王孝恭討 壽陽至破石公柘之將陳正通率兵十萬屯於深山 復其官爵動又從太宗破劉黑闥徐圓朗累遷左監門 告提予太廟其父自洺州與裴矩入朝髙祖見之大喜 大將軍圓朗重據兖州及授勘河南大總管以討之尋 行賞太宗為上將動為下將與太宗俱服金甲乘戎輅 柘孝恭領舟師死江而下動領步卒一萬渡淮拔 舊唐書 古

王行本又從太宗平實建德降王世充振族而選論功

遣其大將馮惠亮的水軍十萬鎖連大艦以斷江路仍 行軍總管至雲中與突厥頡利可汗兵會大戰於白道 江西結壘分守水陸以禦王師勸攻其壘尋剋之惠 展取屯營於碛口遣使請和記鴻臚卿唐儉住放之 展寇并州命動為行軍總管擊之於太谷走之太宗 位拜并州都督賜實封九百戶貞觀三年為通漢道 柘弃城夜道勘縱騎追斬之於武康江南悉定八年 定 四庫全書 而通動乘勝逼正通大潰以十餘騎奔於丹陽

是定計靖將兵逼夜而發動勒兵繼進靖軍既至賊營 贼矣靖扼脫喜曰公之此言乃韓信滅田横之策也於 大清頡利與萬餘人欲走渡磧動屯軍於碛口頡利 而還時高宗為晉王遙領并州大都督授勘光禄大夫 人衆尚多若走渡磧保於九姓道遥阻深追則難及今 得渡碛其大首長率其部落並降於勘虜五萬餘 使唐倫至彼其必弛備我等随後襲之此不戰而平 時與定襄道大總管李靖軍會相與議曰頡利雖敗 至

足日華全書 一

舊唐書

築長城以備突殿情識之惑一至於此朕今委任李世 長城耶十五年徵拜兵部尚書未赴京會薛延随遣其 子大度設的騎八萬南侵李思摩部落命動為朔州 太宗謂侍臣曰隋煬帝不能精選賢良安撫邊境惟解 太子左衛率勘在并州凡十六年令行禁止號為稱職 英國公代襲斬州刺史時並不就國復以本官遙領 於并州遂使突厥畏威遁走塞垣安静豈不勝遠築 并州大都督府長史父憂解尋起復舊職十

軍總管率輕騎三千追及延陷於青山擊大破之斬其 ,柳舊長史今以官事相委故有此授雖屈階資可勿 時遇暴疾驗方云鬚灰可以療之太宗乃自剪鬚 也太宗又當開宴顧動曰朕將屬以幼孙思之無越 和藥動頓首見血泣以懇謝帝曰吾為社稷計耳不 加位特進同中書門下三品太宗謂曰我兒新登儲 深謝十七年高宗為皇太子轉動太子詹事兼左衛 人俘獲首領虜五萬餘計以功封一子為縣公

舊唐書

噬指流血俄而沉醉乃解御服覆之其見委信如此十 八年太宗將親征髙麗授勘遼東道行軍大總管攻破 卿者公往不遺於李密令豈負於朕哉勘雪涕致辭因 居台 言

盖年遼東白崖等數城又從太宗推珍駐蹕陣以功封

達干率衆來降其可汗吐摩支南窟於荒谷遣通事舍

人蕭嗣業招慰部領送於京師碛北悉定二十二年轉

發突厥兵討擊至烏德難山大戰破之其大首領梯真

一子為郡公二十年延陷部落擾亂詔動將二百騎便

僕射永繳元年抗表求解僕射仍令以開府儀同三司 儀同三司令同中書門下參掌機密是歲冊拜尚書左| 為疊州都督高宗即位其月召拜洛州刺史尋加開府 之我死後汝當授以僕射即荷汝恩必致其死力乃出 太常卿仍同中書門下三品旬日復除太子詹事二十 三年太宗寝疾謂髙宗曰汝於李勣無恩我今將責出

著當圖其形於凌煙問至是帝又命寫形馬仍親為之

舊唐書

依舊知政事四年冊拜司空初貞觀中太宗以敷庸持

一百里至於平壤城男建閉門不敢出賊中諸城駭 一封泰山部勘為封禪大使乃從駕次滑州其姊早寡居 動售問皇后親自臨問賜以衣服仍封為東平郡君動 序顯慶三年從幸東都在路遇疾帝親臨問麟徳初東 離支男產為其弟男建所逐保於國內城遣子獻城計 又墜馬傷足上親降問以所乘賜之乾封元年高麗莫 地至鸭緑水賊遣其弟來拒戰動縱兵擊敗之追奔 乞師總章元年命動為遼東道行軍總管率兵二萬

多核人衆遁走降最者相繼動又引兵圍平壤遼東道 增食實封通前一千一百戶其年寝疾部以勘弟晉 角 於昭陵禮畢備軍容入京城獻太廟二年加太子太師 副大總管劉仁軌郝處俊將軍薛仁貴並會於平壤将 刺史弼為司衛正卿使得視疾尋薨年七十六帝為之 城並為州縣振旅而旋令動便道以高藏及男建獻 圍之經月餘利其城屬其王高藏及男建男產裂其

舉哀輟朝七日贈太尉揚州大都督諡曰貞武給東

图

まったのから

廟庭動前後戰勝所得金帛皆散之於將士初得黎陽 秘器陪葬昭陵令司平太常伯楊昉攝同文正卿監護 及葬日帝幸未央古城登樓臨送望柳車慟哭并為設 欽 就食者數十萬人魏徵高季輔杜正倫郭孝恪皆遊 皇太子亦從駕臨送哀慟悲感左右部百官送至 定四庫全書 一 以旌破突厥薛延陷之功光宅元年部勘配享高宗 北所築墳一準衛霍故事象陰山鐵山及烏德韓 見於衆人中即加禮敬引之卧內談謔忘倦及 巻六十七

袓 合 武牢獲偽鄭州長史戴胄知其行能尋釋於竟推 死之中公大感恩堪為國家盡命請 腕 許 顯 此肉同歸於土矣仍收養其子每行軍用 敵應變動合事機與人圖計識 臨 雄 達當時稱其有知人之鑒又初平王世充獲 而從事捷之日多推 將就戮動對之號 信 依例處死動表 働 功於下以是人皆為 稱其武藝絕倫若收之於 割 股肉 其藏否 以啖之曰生 以官爵贖之高 闻 師 頗 其

宝马品的

用

向多剋提泊勘之死間者莫不悽愴與弟弼特存友愛 門之內肅若嚴君自遇疾高宗及皇太子送藥即取 定四庫全書 卷六十七

服之家中召醫巫皆不許入門子弟固以樂進動謂曰 八十豈非命乎修短处是有期寧容浪就醫人求活竟 山東一田夫耳攀附明主濫居富貴位極三台年將

而不進忽謂獨曰我似得小差可置酒以申宴樂於

是堂上奏女妓簷下列子孫宴罷謂弼曰我自量必死

一與汝一別耳恐汝悲哭誑言似差可未須啼泣聽我

裙其中著十箇木人示依古禮芻靈之義此外一 見先帝明器惟作馬五六匹下帳用幔布為頂白紗為 极棺中敛以常服惟加朝服一副死價有知庶著此奉 知 約束我見房玄齡杜如晦萬季輔辛苦作得門戶亦望 姬媼已下有兒女而願住自養者聽之餘並放出事 又見人多理金玉亦不須爾惟以布裝露車載我 裕後昆並遭凝兒破家荡盡我有如許施大將以付 汝可防察有操行不倫交遊非類急即打殺然後奏 物

Ē

单位 新一

舊唐書

干

略不復語弼等遵行遺言動少弟感幼有志操李密之 汝即移入我堂撫恤小弱違我言者同於戮屍此後

敗也陷於王世充世充通令以書名動感曰家兄立身

桂州刺史先動卒動孫敬業髙宗崩則天太后臨朝既 不肯世充怒遂害馬時年十五動長子震顯慶初官至 不虧名節今已事主君臣分定决不以感造次改圖卒

而廢帝為廬陵王立相王為皇帝而政由天后諸武皆

當權任人情愤恐時給事中唐之奇貶授括營令長安

年七月敬業遣其黨監察御史薛璋先求使江都又令 討是日開府庫令士曹參軍李宗臣解繫囚及丁役工 謀逆璋乃收敬之繫獄居數日敬業為制殺敬之自稱 業坐事左授柳州司馬其弟盩屋令敬猷亦坐累左遷 雍州人韋超請璋告變云楊州長史陳敬之與唐之奇 俱在揚州敬業用前盩屋尉魏思温謀據揚州嗣聖元 主簿駱賓王貶授臨海丞詹事司直杜求仁黝縣丞敬 州司馬許言高州首領馬子飲叛逆奉密部募兵進 舊唐書

業自稱臣復府上將領揚州大都督以杜求仁唐之奇 駱賓王為府屬餘皆偽署職位旬日之間勝兵有十餘 斬之以徇遂據揚州鳩聚民衆以匡復盧陵為辭乃 三府一曰匡復府二曰英公府三曰楊州大都督府敬 匠得數百人皆授之以甲録事參軍孫處行拒命敬業 京四月 在 · 1 仍移機諸郡縣曰偽臨朝武氏者人非温順地實寒 卷六十七

密隱先帝之私陰圖後庭之嬖入門見嫉蛾眉不肯讓

微昔充太宗下陳當以更衣入侍泊乎晚節穢亂春宫

一子之興悲良有以也袁君山之流涕豈徒然哉是用氣 包藏禍心窺竊神器君之愛子幽之於别官賊之宗盟 姊屠兄弑君鴆母人神之所同嫉天地之所不容猶復 聚應加以虺蜴為心豺狼成性近押邪僻殘害忠良殺 唐舊臣公侯家屑奉先君之成業荷本朝之舊恩宋微 皇孫知漢祚之將畫龍榮帝后識夏廷之處衰敬業皇 委之以重任嗚呼霍子孟之不作朱虚侯之已亡薦啄

人掩袖工讒狐媚偏能惑主践元后於暈翟陷吾君於

或受顧命於宣室言猶在耳忠豈忘心一杯之土未乾 **憤風雲志安社稷因天下之失望順字內之推心爰舉** 接海陵紅栗倉儲之積靡窮江浦黄旗匡復之功何遠 六尺之孙何託儻能轉禍為福送往事居共立勤王之 叱咤則風雲變色以此制敵何敵不推以此圖功何功 班聲動而北風起劒氣衝而南斗平暗鳴則山嶽崩頹 不克公等或家傅漢爵或地協問親或膺重寄於爪牙 放誓清妖孽南連百越北畫三河鐵騎成羣玉軸 定四庫全書 | 東豪傑乘其未集直取東都據闊决戰此上策也敬業 將兵三十萬討之追削敬業祖父官爵剖墳斷棺復本 兵北渡魏思温曰兵贵神速但宜早渡淮而北招合山 徐氏初敬業兵集圖其所向薛璋曰金陵王氣猶在 竟是誰家之天下則天命左王鈴衛大將軍李孝 江設險可以自固且取常潤等州以為霸基然後治

熟無廢舊君之命凡諸爵賞同裂山河請看今日之域

舊唐書

業之衆狼狽還江都屯兵高郵以拒之頻戰大敗孝逸 為之或對日縣實王之辭也則天日宰相之過安失此 將入海投高麗追兵及皆捕獲之初敬業傅檄至京師 乘勝追躡敬業奔至揚州與唐之奇杜求仁等乘小舸 於城中奉之為主云賢本不死孝逸軍渡淮至楚州敬 人中宗返正部曰故司空動往因敬業毀廢墳堂朕追 天讀之微哂至一杯之土未乾遽問侍臣曰此語誰

子賢為天后所奏死於巴州敬業乃求狀貌似賢者置

月白豆

常猶全博陸之祀罪不相及國之通典宜特無思禮令 本漢五代孫也屬武太后斷喪王室吾祖建義不果子 誅殺靡有遺屑偶脱禍者皆竄迹胡越貞元十七年吐 所司速為起墳所有官爵並宜追復動諸子孫坐敬業 想元動永懷佐命昔實憲干紀無界安豐之祠霍禹亂 舍人者環集漢俘於呼延州謂僧延素曰師勿甚懼予 陷麟州驅掠民畜而去至鹽州西横槽烽蕃將號徐

孫流落絕域今三代矣雖代居職任掌握兵要然思本

col! Le duto |

酱唐書

孟四

之心無忘於國但族屬已多無由自拔耳此地蕃漢交 境放師選鄉數千百人解縛而遣之 四月白世

埞


說點之迹自拔草莽常能以義藩身與物無忤遂得 名始終賢哉垂命之誠敬業不蹈貽謀至於覆族悲 臣曰近代稱為名将者英衛二公誠煙閣之最英公


夫衛公將家子綽有渭陽之風臨我出師凛然威斷位

費曰功以懋賞震主則危辭禄避位除精破疑功定華 重能避功成益無銘之將鍾何慙耿鄧美哉

۲ ا		夷
C O O d. d. o O		志
Ď		慄
F		忠
ALI:		表
		日子
准印度 全司		夷志懷忠義白首平戎賢哉英衛
- 		

李勣傅〇 御史大夫温彦博害其功譖清軍無綱紀致令虜中奇 李靖傳公柘遣將馮惠亮率舟師三萬屯當塗〇公柘 次至日事 · 實散于亂兵之手〇新書譖靖者為蕭 舊唐書卷六十七考證 宗立武后事此生平大站不可不書也舊書不及是 本傅屯博望山 其識短處 臣徳潛 按新書詳動與李義甫許敬宗 舊唐書 瑀 暬 髙





東都既而尋相與武周下降将皆叛諸将疑敬德必叛 武周於柏壁武周令敬德與宋金剛來拒王師於介休 太宗大悦賜以曲宴引為右一府統軍從擊王世充於 破永安王孝基執獨孤懷恩唐儉等武德三年太宗討 城王道宗宇文士及往諭之敬德與尋相舉城來降 南侵陷晉濟二州敬德深入至夏縣應接日崇茂襲 剛戰敗奔於突厥敬德收其餘衆城守介休太宗遣 定匹庫全書

囚於軍中行臺左僕射屈突通尚書殷開山咸言敬德

信領騎直趨太宗敬德躍馬大呼横刺雄信墜馬賊徒 雅於榆窠遇王世充領歩騎數萬來戦世充驍將單雄 應欲去今以此物相資表一時共事之情也是日因從 **貳怨望必生留之恐貽後悔請即殺之太宗曰寡人所** 命釋之引入卧內賜以金寶謂曰丈夫以意氣相期勿 見有異於此敬德若懷翻背之計豈在尋相之後耶遠 初歸國家情志未附此人勇健非常繁之又久既被猜 小疑介意寡人終不聽讒言以害忠良公宜體之必

進店書

徳曰縱使加刃終不能傷請勿除之敬德稍謹當却刃 亦善馬稍聞而輕之欲親自試命去稍刃以竿相刺敬 善解避稍每單騎入賊庫賊稍攢刺終不能傷又能奪 取賊稍還以刺之是日出入重圍往返無礙齊王元吉 徵何相報之速也持賜金銀一篋此後恩野日隆敬德 敬德曰比衆人證公必叛天誘我意獨保明之福善有 合其衆大潰擒偽将陳智略獲排稍兵六千人太宗謂 稍却敬德異太宗以出賊圍更率騎兵與世充交戰數 四月全書 巻六十八

竇建德營於板渚太宗将挑戦先伏李動程知節秦叔 ·德俄項三奪其稍元吉素縣勇雖相數典甚以為恥及 賊眾大驚擾出兵數千騎太宗後巡漸却前後射殺數 寳等兵太宗持弓矢敬德執稍造建德壘下大呼致師 稍難乃命敬德奪元吉稍元吉執稍躍馬志在刺之故 奮擊大破之王世充兄子偽代王琬使於建德軍中兼 元吉竟不能中太宗問曰奪稍避稍何者難易對曰奪 人敬德所殺亦十數人遂引賊以入伏內於是與動等

刺王元吉将謀害太宗密致書以招敬德曰願廷長者 破徐圓朗累有戰功授秦王府左二副護軍隱太子第 賊復以救之既而黑闥衆至其軍四合敬德率壮士犯 方三騎直入賊軍擒琬引其馬以歸賊衆無敢當者又 隋煬帝所御恩馬鎧甲甚鮮迎出軍前以誇衆太宗曰 彼之所垂真良馬也敬德請往取之乃與高既生深建 討劉黑國於臨治黑國軍來襲李世動太宗勒兵掩 而入大破賊陣太宗與江夏王道宗兵之以出又從

所久淪逆地罪不容誅實荷泰王惠以生命今又隶名 敬德辭曰敬德起自幽賤逢遇隋亡天下土崩竄身無 之眷敦布衣之交幸副所望也仍贈以金銀器物一車 許殿下便是二心徇利忘忠殿下亦何所用建成怒是 藩邸唯當以身報恩於殿下無功不敢認當重賜若私 金至斗知公情不可移送來但取寧須慮也若不然恐 後遂絕敬德尋以啟聞太宗曰公之素心鬱如山嶽積

舊唐書

為将客謀請太宗同送於昆明池将加屠害敬德聞其 同氣之情終所未忍欲待其先起然後以義討之公意 親危亡之機共所知委寡人雖深被猜忌禍在須史然 其所害社稷危矣太宗歎曰今二公離阻骨肉減棄君 謀與長孫無忌遽放太宗曰大王若不速正之則恐被 将殺之太宗固諫得釋會突厥侵擾烏城建成舉元吉 至其庭終不敢入元吉乃譜敬德於髙祖下詔獄訊驗 壮士往刺之敬德知其計乃重門洞開安卧不動賊頻 之言必知敬德等非王所有事今敗矣其若之何太宗 若不從敬德言請奔逃亡命不能交手受戮且因敗成 功明賢之高見轉禍為福智士之先機敬德今若逃亡 先賢大義滅親之事非所聞也以臣愚誠請先誅之王 計禍至而不恐将亡而自安央人臣臨難不避之節乏 無忌亦欲同去太宗猶豫未決無忌曰王今不從敬德 若天與不取反受其咎雖存仁愛之小情忘社稷之大 以為何如敬德日人情畏死衆人以死奉王此天授也

作唐書

日寡人所言未可全棄公更圖之敬德曰王今處事有

夜進勸然後計定時房玄齡社如晦皆被高祖斤出秦 官控放被甲事勢已就王何得辭敬德又與侯君集日 如家國何其如身命何且在外勇士八百餘人今悉入 疑非智臨難不決非勇王縱不從敬德言請自決計其

勃不許更事王今若私謁必至誅滅不敢奉命太宗大 府不得後入太宗令長孫無忌客召之玄齡等報日有 怒謂敬德曰玄齡如晦豈背我耶取所佩刀授敬德曰

之其宮府諸将薛萬徹謝叔方馬立等率兵大至屯於 於定日車至書! 敬德躍馬叱之於是步走欲歸武德殿敬德奔逐射殺 於林下橫被所繼墜不能與元吉遽來奪弓垂欲相扼 繼至元吉走馬東奔左右射之墜馬太宗所乗馬又逸 德别道亦至六月四日建成既死敬德領七十騎躡踵 尽喻曰王已決計尅日平賊公宜即入籌之我等四人 不宜奉行在道於是玄齡如晦著道士服随無忌入敬 公且往觀其無來心可並斬其首持來也敬德又與無 修善書

並受秦王處分於是內外遂定高祖勞敬德曰卿於國 有安社稷之功賜珍物甚衆太宗昇春官授太子左衛 馬及二宫左右猶相拒戰敬德奏請降手勃令諸軍兵 之恐陛下驚動遣臣來宿衛高祖意乃安南衙北門兵 是誰鄉來此何也對日泰王以太子齊王作亂舉兵誅 敬德據甲持矛直至高祖所高祖大驚問曰今日作亂 玄武門殺屯管将軍敬德持建成元吉首以示之官府 兵遂散是時高祖泛舟於海池太宗命敬德侍衛高祖

德執不聽曰為罪者二兇今已誅訖若更及支黨非取 涇州道行軍總管以擊之賊至涇陽敬德輕騎與之挑 齡杜如晦四人並食實封干三百户會突厥來入冠授 元年拜右武候大将軍賜爵吳國公與長孫無忌房玄 賜絹萬匹齊王府財幣器物封其全邱盡賜敬德貞觀 安之策由是獲免及論功敬德與長孫無思為第一各 率時議者以建成等左右百餘人並合從坐籍沒唯敬

戰殺其名将賊遂敗敬德好計直員其功每見無忌古

為襄州都督八年累遷同州刺史當侍宴慶善官時有 如晦等短長必面折廷辯由是與執政不平三年出

宗不懌而罷謂敬德曰朕覧漢史見高祖功臣獲全者 宗次其下因解喻之敬德勃然奉殿道宗目幾至則太 班在其上者敬德怒曰汝有何功合坐我上任城王道

少意常尤之及居大位以來常欲保全功臣令子孫無

絕然即居官輕犯憲法方知韓彭夷戮非漢祖之愆國

家大事唯實與罰非分之思不可數行勉自脩的無貼

骸骨授開府儀同三司令朝朔望尋與長孫無忌等二 刺史改封鄂國公後歷鄜夏二州都督十七年抗表之| 十四人圖形於凌煙閣及太宗将征高麗敬德奏言車 後悔也十一年封建功臣為代襲則史册拜敬德宣州 雖有鎮守終是空虚遼東路遥恐有玄感之變且邊陽 駕若自往遠左皇太子又在定州東西二京府庫所在 小國不足親勞萬乗伏望委之良将自可應時推減太

宗不納令以本官行太常卿為左一馬軍總管從破高

搪磨書

徳功追贈其父為幽州都督其年薨年七十四高宗為 陵子寶琳嗣官至衛尉卿 麗於駐蹕山軍還依舊致仕敬德末年篤信仙方飛錬 秦叔賓名瓊齊州思城人大業中為隋将來護兒帳內 之舉哀廢朝三日令京官五品以上及朝集使赴宅哭 自奉養不與外人交通凡十六年顯慶三年高宗以敬 金石服食雲母粉穿築池臺崇飾羅綺書奏清商樂以 册贈司徒并州都督諡曰忠武賜東園秘器陪墓於的

定四月五1

者多矣将軍未當降問獨吊叔質何也答曰此人勇悍 起從通守張須拖擊賊的盧明月於下邳賊眾十餘萬 加有志節必當自取富貴豈得以早賤處之隋末羣盗 叔寶喪母護兒遣使吊之軍吏怪曰士卒死亡及遭喪一 既出營內即虚若以千人襲營可有大利此誠危險 **他所統總萬人力勢不敵去賊六七里立柵相持十** 日糧盡将退謂諸将士曰賊見兵却必輕來追我其

大型 · 是 di della |

誰能去者人皆莫對唯叔寶與羅士信請行於是須施

舊唐書

皆屬之由是勇氣開於遠近又擊孫宣雅於海曲先登 兵追之叔寶與士信馳至其柵柵門閉不得入二人超 之以前後累熟授建節尉從須险進擊李密於荣陽 其樓板賊旗幟各殺數人管中大亂叔寶士信又斬 敗須施死之私實以餘衆附裴仁基會仁基以武年 須 施又廻軍奮擊大破賊眾明月以數百騎過去餘 納外兵因縱火焚其三十餘栅 烟焰漲天明月奔

栅道使二人分領千兵伏於蘆茸問既而明月果悉

逼於是來降高祖令事春府太宗素聞其勇厚加禮遇 西與程饒金吳黑闥牛進達等數十騎西馳百許步下 馬拜世充日雖蒙殊禮不能仰事請從此辭世充不敢 兵與之力戰化及乃退後密敗又為王世充所得署龍 廳大将軍叔寶薄世充之多許因其出抗官軍至於九 奔散追兵且至唯叔寶獨桿衛之密逐獲免叔寶又次 與化及大戰於黎陽童山為流矢所中墮馬問絕左右

降於李密密得叔寶大喜以為帳內驃騎待之甚厚密

德功最居多高祖遣使賜以金瓶勞之曰鄉不顧妻子 金百斤帛七千段從平劉黑闥賞物千段叔寶每從太 遠來投我又立功効朕內可為炯用者當割以賜姆况 柱國從討王世充每為前鋒太宗将拒實建德於武年 子女玉帛乎卿當勉之尋授秦王右三統軍又從破宋 從鎮長春宫拜馬軍總管又從在於美良川破尉遲敬 叔寶以精騎數十先陷其陣世充平進封翼國公賜黃 金剛於介休録前後熟賜黃金百斤雜絲六千段授上 田屋白雪 巻六十八

特令所司就其壁內立石人馬以旌戰陣之功馬十三 矣安得不病乎十二年卒贈徐州都督陪莖船陵太宗 我馬所經二百餘陣屢中重瘡計吾前後出血亦數斜 将軍食實封七百户其後每多疾病因謂人曰吾少長一 宗征伐敵中有驍将鋭卒炫燿人馬出入來去者太宗 之萬衆之中人馬辟易太宗以是益重之叔實亦以此 頗怒之極命叔賓往取叔寶應命躍馬員槍而進必則 頗自矜尚六月四日從誅建成元吉事寧拜左武衛大

年改封胡國公十七年與長孫無忌等圖形於凌煙閣 末聚徒數百共保鄉里以備他盜後依李密署為內 知節本名競金濟州東阿人也少競勇善用馬稍大 を六十八

内馬軍與密同營在北邙山上軍雄信領外馬軍營在

偃師城北世充來聚雄信營密遣知節及裴行嚴助之|

知節既領其一甚被思遇及王世充出城决戰知節領

分為左右以自衛號為內軍自云此八千人可當百萬

軍驃騎府密於軍中簡勇士尤異者八千人肆四驃騎

傍多扇惑非僕託身之所今謹奉辭於是躍馬與左右 亂主乎及世充拒王師於九曲知節領兵在其陣與奏 叔寳等馬上揖世充曰荷公接待極欲報恩公性猜貳 器度淺狹而多妄語好為咒誓乃巫師老嫗耳豈是撥 世充軍披靡乃抱行嚴重騎而還為世充騎所逐刺槊 行儼先馳赴敵為流矢所中墜於地知節教之殺數人 免及密敗世充得之接遇甚厚知節謂秦叔寶曰世充 洞過知節理身族折其鄭兼斬獲追者於是與行嚴俱

大己日日 A ALIA

舊唐書

先登以功封宿國公武德七年建成是之構之於高祖 宋金剛擒實建德降王世充並領左一馬軍總管每陣 數十人歸國世充懼不敢追之授秦王府左三統軍破

成元吉事定拜太子右衛率遷右武衛大将軍賜實封

尼等代襲刺史改封盧國公授普州刺史十七年累轉

七百户貞觀中歷瀘州都督左領軍大将軍與長孫無

除康州刺史知節白太宗曰大王手臂今並翦除身必

不久知節以死不去願速自全六月四日從太宗討建

表請乞骸骨許之麟德二年卒贈驃騎大将軍益州大 都督陪整招陵子處點襲爵盧國公處亮以功臣子尚 城而去賀魯遂即遠道軍選坐免官未幾授岐州刺史 討賀魯師次性篤城有胡人數千家開門出降知節屠 左屯衛大将軍檢校北門屯兵加鎮軍大将軍水微六 **鸦官至右金吾将軍處码子伯獻開元中左金吾大將** 太宗女清河長公主授騎馬都尉左衛中郎将少子處 年遷左衛大将軍顯慶二年授蔥山道行軍大總管以

作唐書

段志方齊州臨淄人也父偃師隋末為太原即司法書 府軍頭從平霍邑下絡郡攻永豊倉皆為先鋒歷遷左 佐從高祖起義官至郢州刺史志方從父在太原甚為 太宗所接待義兵起志玄募得千餘人授右領大都督

定匹庫全書 |

巻六十八

還為流矢中足慮衆心動忍而不言更入賊陣者再三

光禄大夫從劉文静拒屈突通於潼關文静為通将桑

和所襲軍管已潰志玄率二十騎赴擊殺數十人而

建成元吉太宗即位累遷左號衛大将軍封樊國公食 之志方拒而不納密以白太宗竟與尉遲敬德等同誅 軍賞物二千段隱太子建成巢刺王元吉競以金帛誘 敢逼及破實建德平東都功又居多遷秦王府右二護 洛水志玄踊身而奮二人俱堕馬馳歸追者數百騎不 女與諸将追而擒之以功授樂遊府驃騎将軍後從討 顯和軍亂大軍因此後根擊大破之及屈突通之道志 王世充深入陷陣馬倒為賊所擒两騎夾持其髻将渡

10t /1 data | 100/

舊唐書

數日此真将軍也周亞夫無以加馬十一年定世封之 手動志女日夜中不辯真偽竟停使者至曉太宗聞而 實封九百户文德皇后之墓也志方與宇文士及分統 而别顧謂曰當與卿子五品志玄頭首固請廻授母弟 四年加鎮軍大将軍十六年寢疾太宗親自臨視涕泣 制授金州刺史改封褒國公十二年拜右衛大将軍十 内使者志玄閉門不納曰軍門不可夜開使者曰此有 士馬出肅章門太宗夜使宮官至二将軍所士及開營 。巻六十八

武徳元年與王世充所署有州刺史崔極以州城歸國 太宗尉遲敬德亦言之乃引入幕府時太宗為隱太子 張公謹字弘慎魏州繁水人也初為王世充洧州長史 至左屯衛大将軍子懷簡襲爵開元中官至太子詹事 正月詔圖形於凌煙閣子瓚襲爵褒國公武太后時官 贈輔國将軍楊州都督陪藍船度諡曰忠壮十七年 鄒州别駕累除右武候長史初未知名李動驟薦於 ナ 호

超过高量

志感太宗遂授志感左衛郎将及卒上為發哀哭之甚

黨來攻玄武門兵鋒甚盛公謹有勇力獨閉門以拒之 孫無忌等九人伏於玄武門以俟變及斬建成元吉其 占漸見親遇及太宗将討建成元吉遣卜者灼龜占之 可已顧大王思之太宗深然其言六月四日公謹與長 疑定猶豫今既事在不疑何卜之有縱卜之不吉勢不 公謹自外來見處投於地而進曰凡卜筮者将以次嫌 建成集王元吉所忌因召公謹問以自安之策對甚合

定匹庫全書 |

巻六十八

以功累授左武侯将軍封定遠郡公賜實封一千户貞

言時政得失十餘事並見納用後遣李靖經略突厥 觀元年拜代州都督上表請置屯田以省轉運又前後 将敗其可取三也塞北霜早糧餘乏絕其可取四也頡 窮凶極暴誅害良善既近小人此主昏於上其可取一 免拓設出討匹馬不歸欲谷喪師立足無地此則兵挫 圖反噬此則衆叛於下其可取二也突厥被疑輕騎自 也又其别部同羅僕骨迴紀延拖之類並自立君長将 公謹為副公謹因言突厥可取之狀曰頡利縱欲肆情

舊唐書

遂哭之贈左驍衛大将軍益曰襄十三年追思舊功改一 所忌太宗曰君臣之義同於父子情發於哀安避辰日 哀有司奏言準陰陽書日子在辰不可哭泣又為流俗 深納之破定襄敗頡利重書慰勞進封鄉國公轉襄州 都督甚有惠政卒官年三十九太宗聞而嗟悼出次發 内必生變其可取五也華人入北其類實多比聞自 聚保據山險師出塞垣自然有應其可取六也太宗 球其突厥親委諸胡胡人翻覆是其常性大軍一臨

更四月白世


子同中書門下三品時章懷太子在春宫令大安與太 史臣曰敬德奪稍陷陣皷勇王師却點報恩竭忠霸主 光宅中卒於横州司馬大安子說開元中為國子祭酒 撰後魏書一百卷隋書三十卷大安上元中歷太子族 大素能夠中應位東臺舍人無修國史卒於懷州長史 督長子大象嗣官至户部侍郎次子大素大安並知名 封好國公十七年圖形於凌煙閣永微中又贈荆州都 子洗馬劉訥言等注范華後漢書官廢左授普州刺史

た足り事全書


舊唐書

贊曰太宗經綸實賴虎臣胡鄂諸将奮不顧身圖形凌 充之猜貳識唐代之霸圖可謂見幾君子矣志方中鏑 謀臣知機識變有唐之盛斯實賴馬 節志平國難拜隼旗則致命輔君可謂忠矣而並曉世 樂石叔寶善用馬稍拔賊壘則以寡敵衆可謂勇矣 然而奮拳員氣非自全之道文皇告誠之言可為功臣 不言竟安師旅公謹投龜定議志助儲君皆所謂猛将

煙配食嚴湮光諸簡册為報君親



第十七頁前二行子大素刊本素訛業據下文及 巻六十八第六頁後七行並受秦王處分刊本受 第十八頁後七行就食者數十萬人刊本食部倉 謹祭卷六十七第九頁後一行靖簿責之刊本簿 新書改 訛授今改 據新書改 訛簿今改





腾銀監生 臣張校對官中書臣馬

培 朝

欽定四庫全書曾要 舊唐書卷六十九

群校官內閣侍讀事 球

侯君集豳州三水人也性矯飾好矜誇翫弓矢而不能辞萬徹別選讓 劉蘭 李君美等附 成其藝乃以武勇自稱太宗在潘引入幕府數從征伐 欽定四庫全書管要卷四千九百八十五史部 **售唐書巻六十九** 侯君集 傳第十九 後晉司空同中書門下平章事劉 -1). "1. I. ... | // 语宫雪 張亮 昫 撰

議建成元吉之誅也君集之策居多太宗即位還左衛 累除左虞候車騎將軍封全椒縣子漸蒙思遇參預謀 将軍以功進封路國公賜邑干户尋拜右衛大将軍負 定匹庫全書/

利若此第不行潛過必遠山障為阻討之實難請然其 賊房尚未走險宜簡精鋭長驅疾進彼不我虞必有大 靖為西海道行軍大總管以君集及任城王道宗並 四年遷兵部尚書恭議朝政時將討吐谷渾伏允命 九年三月師次都州君集言於清曰大軍已至

請會於大非川平吐谷渾而還十一年與長孫無忌等 皆大剋獲北望積玉山觀河源之所出馬乃旋師與李 夏降霜山多積雪轉戰過星宿川至於相海頻與勇遇 歷破避真谷踰漢哭山經途二千餘里行空虚之地盛 入靖與薛萬均李大亮趣北路使侯君集道宗趣南路 計乃簡精銳輕齎深入道宗追及伏允之衆於庫山破 之伏允輕兵入磧以避官軍靖乃中分士馬為两道正

俱受世封授君集陳州刺史改封陳國公明年拜吏

時譽高昌王麴文泰時過絕西域商買太宗徵文泰入 尚書進位光禄大夫君集出自行伍素無學術及被任 遇方始讀書典選舉定考課出為将領入祭朝政並有 吾城下二十日食必盡自然魚漬乃接而虜之何足憂 文泰聞王師将起謂其國人曰唐國去此七千里沙碛 人多死常行百人不能得至安能致大軍乎若頓兵於 而稱疾不至諂以君集為交河道行軍大總管討之 二千里地無水草冬風凍寒夏風如焚風之所吹行

灰四厚白 1

卷六十九

無不康碎或張檀被用障抛石城上守陴者不得復 山東善為攻城器械者悉遣從軍君集遂刊木填隍 地賊嬰城自守君集諭之不行先是大軍之發也上台 人於墟墓之間 集日不可天子以高昌驕慢無禮使吾恭行天罰今襲 也及軍至碛口而文泰卒其子智盛襲位君集率兵至 車撞其睥睨数丈積穴抛車石擊其城中其所當 谷候騎言文泰剋日将葬國人成集諸将請襲之 非 問罪之師也於是鼓行而前攻其田 者 推

ショラファニラ

已丧背智盛襲位未幾不知所以機關其尚書哀憐 行人及飛 遂拔之房 其男女七千餘口仍進兵 園其都城智盛窮 歃 設懼而西走千餘里智盛失援計無所出逐開門 其隍塹發抛車以攻之又為十丈高樓俯視城內 致書於君集曰有罪於天子者先王也天罰所加身 西突厥欲谷設約有兵至共為表裏及聞君集至欲 報日若能悔禍宜来手軍門智盛循不出因命士卒 定 四庫全書 石所中處皆唱言之人多入室避石初文泰 有

或職惟爪牙並蒙板擢受将即之任不能正身奉法 取實物将士知之亦競来盗獨君集恐發其事不敢 降君集分兵略地逐平其國俘智盛及其将吏刻石 及京師有司請 臣大将不可輕 陛下之思舉馬肆情罪負盈積實宜絕之刑 偷但高昌昏迷人神共弃在朝議者以其地在遐荒 而還君集初破高昌曾未奏請軟配沒無罪人又私 1. 15 1 推其罪治下獄中書侍郎岑文本以 加屈辱上疏曰君集等或位居輔 追唐書 典以肅

等奉行聖等遂得指期平於若論事實並是陛下之功 君集等有道路之勞未足稱其熟力而陛下天德弗宰 等自挂網 欲置之度外唯陛下運獨見之明授決勝之略君集 録其過似遺其功臣以下才謬然近職既有所見不 於陛下賞不踰時而 推功於将帥露布初至便降大思從征之人皆需 及其凱旋特蒙曲宴又對萬國加之重賞內外文武 羅 而 在朝之人未知所 不 經旬日並付大理雖 犯恐海內又疑陛下 乃君集

鉑

埞

四月在這一

里征伐不録其過逐封廣利海西侯食色八千户又校 十匹雖斬宛王之首而貪不愛卒罪惡甚多武帝為萬 龍當其有罪也雖勤躬察已不免缺餓之誅故周書曰 尉陳湯矯諂與師雖斬郅支單于而湯素貪盜所収康 利損五萬之師糜億萬之貴經四年之勞唯獲駁馬三 記人之功忘人之過宜為君者也昔漢貳師将軍李廣 敢默然臣聞古之人君出師命将克敵則獲重賞不克 則受嚴刑是以賞其有功也雖貪殘淫縱必蒙青紫之

作四書書

五

歃 居財物事多不法為司隸所緊湯乃上疏曰與吏士共 定四庫全書

軍王濟有平具之功而王渾等論濟違詔不受節度軍 **誅郅支幸得擒滅令司隷乃收緊案驗是為郅支報雠** 也元帝赦其罪封湯關內侯賜黄金百斤又晉龍驤將 人得孫的實物并燒的官及船齊上表曰今年平吳誠

為大慶於臣之身更為谷累武帝赦而不推拜輔國大

將軍封襄陽侯賜絹萬匹近隋新義郡公韓擒虎平陳

之日縱士卒暴亂权寶宫內文帝亦不問罪雖不進爵

愚故智者樂立其功勇者好行其志貪者邀趨其利愚 者寡貪求者衆是以黄石公軍勢曰使智使勇使貪使 陛下天縱神武振宏圖以定六合豈獨正茲刑網不行 此也臣又聞夫天地之道以覆載為先帝王之德以含 者不計其死是知前聖莫不收人之長弃人之短良為 弘為美夫以區區漢武及歷代諸帝循能宥廣利等况 拜擒虎上柱國賜物八千段由斯觀之將帥之臣廉慎

古人之事哉伏惟聖懷當自己有斟酌臣今所以陳聞

信息書

朝列復預驅馳雖非清貞之臣循是貪愚之將斯則陛 露之澤收雷電之威録其微勞忘其大過使君集重升 矣疏奏乃釋君集自以有功於西域而以貪胃被囚志 下聖德雖屈法而德彌顯君集等行過雖蒙有而過更 殊快快十七年張亮以太子詹事出為洛州都督君集 彰足使立功之士因蟊而皆勸負罪之將由斯而改節 敢私君集等處以蠻爛末光增暉日月價陛下降雨

灾

四庫白 1

激怒亮口何為見排亮口是公見排更欲谁冤君集口

楚石時為東宫千牛承乾令數引君集入內問以自安 官恐有廢立又知君集怨望遂與通謀君集子情質蘭 如初尋與諸功臣同畫像於凌煙閣時庶人承乾在東 君集必言無此两人相證事未可知遂寢其事待君集 與君集俱是功臣君集獨以語卿無人聞見若以屬吏 可活公能反乎當與公反耳亮塞以聞太宗謂亮曰卿

我平一國還觸天子大填何能抑排因攘袂日鬱鬱

之術君集以承乾为弱意欲乗累以圖之遂賛承乾陰

אול מושל ול ומי כי ניי

態唐書

圖不軌管舉手謂承乾日此好手當為用之君集或慮 沒心不自安每中夜蹶然而起歎吃人之其妻佐

四月白四十二

事發君集被收楚石又請闕告其事太宗親臨問曰我 事孤負國家宜自歸罪首領可全君集不能用及承乾 謂之曰公國之大臣何為乃爾必當有故若有不善之

察曰往者家國未安君集實展其力不忍宾之於法我

乞其性命公卿其許我乎奉臣争進曰君集之罪天

敦厚而內懷說訴人莫之知大業未李密略地荣汴亮 集豈反者乎蹉跌至此然嘗為將破滅二國頗有微 子徒於嶺南 矣而今而後但見公遺像耳因歔欷下泣逐斬於四達 為言於陛下乞令一子以守祭祀由是特原其妻及 衢籍没其家君集臨刑容色不改謂監刑將軍曰君 亮鄭州荣陽人也素寒賤以農為業倜儻有大節外 這一名里自

地所不容請誅之以明大法太宗謂君集曰與公長決

杖策從之未被任用屬軍中有謀反者亮告之密以為 價有智謀薦之於太宗引為秦府車騎将軍漸蒙顧遇 成其事乃授鄭州刺史會王世充陷鄭州亮不得之官 孤軍無援逐亡命於共城山澤後房玄齡李勣以亮倜 至誠署驃騎將軍隸於徐勣及勣以黎陽歸國亮頗赞 委以心齊會建成元吉將起難太宗以洛州形勝之 人陰引山東豪傑以俟變多出金帛恣其所用元吉告 有變將出保之遣亮之洛陽統左右王保等千餘

定

匹庫全言 |

本妻更娶李氏李素有淫行騎妬特甚亮寵憚之後至 金紫光禄大夫行相州大都督長史十一年改封節國 郡三州都督七年魏王泰為相州都督而不之部進亮 公亮所莅之職潛遣左右何察善惡發趙姦隱動若有 大夫轉光禄鄉進封鄅國公賜實封五百户後歷函夏 建成死授懷州總管封長平郡公貞觀五年歷遷御史 抑豪強而恤貧弱故所在見稱初亮之在州也弃其

造事書

亮欲圖不軌坐是屬吏亮卒無所言事釋遣還洛陽及

道所至巫覡盈門又干預政事由是亮之聲稱漸損十 幾亮前婦子慎微每以養慎幾致諫亮不從李尤好左 與私通假言亮先與其母野合所生收為亮子名曰慎 相州有郭縣小兒以賣筆為業善歌舞李見而悦之逐 冬預朝政太宗将代高麗亮頻諫不納因自請行以亮 四年又為工部尚書明年遷太子詹事出為洛州都督 及侯君集誅以亮先奏其將反優紹褒美遇刑部尚書 歃 定 四庫全書 卷六十九

為滄海道行軍大總管管率舟師自東菜渡海襲沙果

|王卒多樵牧賊衆奄至軍中惶駭亮素怯懦無計策但 龍形必當大貴又有公孫常者頗善文解自言有黃白 有王者起公以為何如公額知其有異志因言亮即 在相州陰名公額謂曰相州形勝之地人言不出數 副總管張金樹等乃鳴鼓令士衆擊賊破之太宗知其 城破之俘男女數十口進兵頓於建安城下營壘未固 胡床直視而無所言將士見之翻以亮為有膽氣其 帥材而不之責有方術人程公詞者亮親信之初 语由里日

有義兒五百畜養此革將何為也正欲反耳命百索議 見誣耳又自陳佐命之舊冀有寬貸太宗謂侍臣曰亮 太宗遣法官按之公顏及常證其罪亮曰此二人畏死 二十年有陕人常德女告其事并言亮有義兒五百人 都雖有此言實不願聞之常又言亮名應圖錄亮大悦 其獄多言亮當誅唯將作少匠李道裕言亮反形未具 之術尤與亮善亮謂曰吾嘗聞圖識有弓長之君當别 定四庫全書 巻六十九

明其無罪太宗既盛怒竟斬於市籍沒其家歲餘刑部

會實建德率聚十萬来冠范陽藝逆拒之萬均謂藝曰 隨父在幽州俱以武略為羅藝所親待尋與藝歸附高 薛萬徹雅州成陽人自燉煌徒馬隋左禦衛大將軍世 祖授萬均上柱國永安郡公萬徹車騎將軍武安縣公 雄子也世雄大業末卒於涿郡太守萬徹少與兄萬均 雖不即從至今追悔遂授道裕刑部侍郎 得其人也往者李道裕議張亮云反形未具此言當矣 侍郎有闕令執政者妙擇其人累奏皆不可太宗曰朕

士百人從地道而出直掩賊背擊之賊遂潰走及太宗 歃 平劉黑闥引萬均為右二該軍思顧甚至隱太子建成 率果二十萬後攻幽州賊已攀堪萬均與萬微率敢死 從其言建德果引軍渡水萬均邀擊大破之明年建德 均請精騎百人伏於城側待其半渡擊之破賊必矣藝 眾家不敢今若出門百戰百敗當以計取之可令贏兵 又引萬徹置於左右建成被誅萬徹率官兵戰於玄武 弱馬阻水背城為陣以誘之觀賊之勢必渡水交兵萬 定四庫全書 卷六十九

驍將房陣亂因而乗之殺傷被野鼓行而進遂園師 少監柴給之擊梁師都以萬徹為副未至朔方數十里 太宗以其忠於所事不之罪也萬均貞觀初歷遷殿中 厥四面而至官軍稍却萬均與萬徹横出擊之斬其 鼓躁欲入秦府將士大懼及泉建成首示之萬徹回 十騎亡於終南山太宗累遣使諭意萬徽釋仗而来 都見殺城降突厥不敢来援萬徹後從李請擊

|天厥頡利可汗於塞北以功授統軍進爵郡公初請

E

日華全書一

擊吐谷渾靖萬徹同行及至賊境與諸将各率百餘騎 羅之衆渡碛南擊李思摩萬徹副李勣援之與虜相遇 一俄起為右衛將軍出為蒲州刺史會薛延陁率 廻紀同 者還謂諸将曰賊易與耳躍馬後進諸將隨之斬數千 先行卒與屬數千騎相遇萬徹單騎馳擊之屬無敢當 左屯衛大將軍累封潞國公而卒萬徹尋丁母憂解 水源獲其雜畜二十萬計追至河源萬均此後官至 人馬流血勇冠三軍又與萬均破吐谷渾天柱王於

宴於丹霄殿各賜以膜皮萬徹預馬太宗意在賜萬徹 徹非大勝即大敗太宗書召司徒長孫無忌等十餘人 道宗萬微三人而已李敖道宗不能大勝亦不大敗萬 右武衛大將軍太宗從容謂從臣日當今名將唯李勣 子為縣侯十八年授左衛將軍尚丹陽公主拜駙馬都 奔數十里斬首三千餘級獲馬萬五千匹以功别封 尉尋遷右衛大將軍轉杭州刺史遷代州都督後召拜

追到五里司

數百騎為先鋒擊其陣後騎皆散賊顧見遂大潰追

青丘道行軍大總管率甲士三萬自菜州泛海伐高麗 呼名豈其魂靈欲朕之賜也因令取膜皮呼萬均以同 裴行方領步卒為支軍繼進萬徹及諸軍乗之賊大潰 的城主所夫孫率步騎萬餘人拒戰萬徹遣右衛將軍 入鴨緑水百餘里至泊汋城高麗震懼多弃城而追泊 追奔百餘里於陣斬所夫孫進兵園泊沟城其城因山 而誤呼萬均因愴然日萬均朕之熟舊不幸早亡不覺 而焚之於前侍坐者無不感歎二十二年萬徹又為

定匹庫全書 1

老六十九

當之鋒刃總接而賊大潰萬徹在軍仗氣凌物人或奏 骨安地諸城兵三萬餘人来援分置兩陣萬徹分軍以 方言其怨望於是廷驗之萬徹辭屈英國公李動進日 弃過不罪卿也因取書焚之尋為副將右衛将軍裴行 之及謁見太宗謂曰上書者論卿與諸將不協朕録功 設險阻鴨緑水以為 **固攻之未拔**高麗遣將高文率烏 徒邊會赦得還永藏二年授寧州刺史入朝與房遺愛 徹職乃將軍親惟主塔發言怨望罪不容誅因除名 婚君書

坐房遺愛殺之乎遂解衣謂監刑者疾斫執刀者斬之 為主及謀洩吏逮之萬徹不之伏遺愛證之遂伏誅臨 遺愛謂萬徹日公若國家有變我當與公立荆王元景 不殊萬徹叱之日何不加力三所乃絕萬徹長兄萬叔 刑大言曰薛萬徹大健兒留為國家効死力固好豈得 有戰功貞觀初至營州都督檢校東夷校尉封梁郡 明日謂 遺愛日今雖患脚坐置京師諸軍猶不敢動 巻六十九

公李弟萬備有孝行母終盧於墓側太宗降璽書吊慰

贼也又輔以王伯當決策而叛其下兵士思欲東歸若 將出山南史萬寶懼密威名不敢拒謂彥師曰李密驍 從平京城俄與史萬寶鎮宜陽以拒東冠及李密之叛 率賓客千餘人濟河上謁拜銀青光禄大夫行軍總管 盛彦師者宋州虞城人大業中為澄城長義師至汾陰 功名而不終其位 觀之際有盛彦師盧祖尚劉世讓劉蘭李君美等並有 仍旌表其門後官至右衛將軍並先萬徹卒初武德員 傷唐書

日 止令弓弩者夾路乗高刀插者伏於溪谷令曰待賊半 各實走襄城就張善相耳必當出人不意若賊入谷口 開李密欲向洛州而公入山何也彦師曰密聲言往 計出萬全則不為也兵在死地殆不可當彦師笑曰 自後追之山路 法尚詐不可為公說之便領衆踰熊耳山南傍道而 以數十之衆邀之必泉其首萬寶曰計將安出對曰 時齊發弓弩據高縱射刀植 險隘無所展力一夫殿後必不能制 即亂出薄之或問之

駭重足而立會徐園朗反彦師為安撫大使因戰逐沒 王世充以其将陳寶遇為宋州刺史處其家不以禮 關絕其山南之路賊平除宋州總管初彦師之入關 將軍仍鎮熊州太宗討王世充遣彦師與萬寶軍於伊 不得相救逐斬李密追擒伯當以功封葛國公拜武衛 慮遊搬衆徐行果瑜山南渡彦師擊之密衆首尾斷絕 今吾先得入谷擒之必矣李密既度陕州以為餘不足 彦師因事殺之平生所惡數十家亦皆殺之州中震 他自由生日

盗時年甚少而武力過人又御衆嚴整所向有功奉盜 葉豪富傾財散施甚得人心大業未名募壯士逐捕奉 圓朗乃笑曰盛將軍乃有壯節不可殺也待之如舊賊 汝宜善侍老母勿以吾為念圓則初色動而彦師自若 平彦師竟以罪賜死 於賊圓則禮厚之令彦師作書報其弟令舉城降已彦 為書曰吾奉使無狀被賊所擒為臣不忠誓之以死 祖尚者字季良光州樂安人也父禧隋虎賁郎将累

定匹庫全書 ~~

卷六十九

壽州都督瀛州刺史丞有能名貞觀初交州都督遂安 帥馬惠亮陳正通並破之賊平以功授蔣州刺史又歷 孝恭討輔公祏為前軍總管攻其宣欽州克之進擊賊 書勞勉拜光州刺史封弋陽郡公武德六年從趙郡王 尚光州總管及世充自立遂舉州歸款高祖嘉之賜璽 畏憚不敢入境及宇文化及作亂州人請祖尚為刺史 勝衆皆感激王世充立越王侗祖尚遣使從之侗授 祖尚時年十九昇擅飲血以誓其衆泣涕歔欲悲不自

まる 日の 子に日

為我鎮邊勿以道逐為解也祖尚拜謝而出既而悔之 後方悔之宜可早行三年必自相名卿勿推 甚速須賢牧撫之前後都督皆不稱職卿有安邊之略 言對曰領南瘴寫皆日飲酒臣不便酒去無還理太 兄周範往諭之口正夫相 文武廉平正直徵至京師臨朝謂之曰交州大藩去京 以舊疾為解太宗遣杜如晦諭古祖尚固解又遣其妻 公壽以貪冒得罪太宗思求良收朝臣成言祖尚才兼 欽定四庫全書/ を六十九 許循項存信 卿 面 許朕豈得

管率兵以拒薛舉戰敗世讓及弟實俱為舉軍所發舉 將至城下令給說城中日大軍五道已趣長安宜開門 世讓自請安輯許之俄得數十人復為安定道行軍總 安世讓以漳川歸國拜通議大夫時唐弼餘黨寇扶風 天怒曰我使人不從何以為天下命斬之於朝時年三 劉世讓字元欽雍州醴泉人也仕隋徵仕即高祖入長 十餘尋悔之使復其官陰

早降世讓偽許之因告城中日賊兵多少極於此矣宜

は四百日生日

管與永安王孝基擊日崇茂於夏縣諸軍敗績世讓與 誠今復昌危告難是皆憂國忘身也尋封弘農郡公赐 高祖時高祖方濟河將幸懷思之管聞難驚日劉世讓 |吊千匹及賊平得歸投彭州刺史尋領陝東道行軍總 善自固以圖安全舉重其執節竟不之害太宗時屯兵 之至豈非天命哉因勞之曰卿往陷薛舉遣弟潛劾款 唐儉俱為賊所獲獄中聞獨孤懷思有逆謀逃還以告 高無世讓潛遣實逃歸言賊中虚實高祖嘉之賜其家 灾匹 庫全書 巻六十九

讓忠負勇幹髙祖下制褒美之錫以良馬未幾名拜廣 海先使在蕃可汗令元轉来說之世讓属聲曰大丈夫 寇徒以馬色為其中路耳如臣所計請於厚城置一智! 州總管將之任髙祖問以備邊之策世讓答曰突厥南 奈何為夷狄作說客耶經日餘屬乃退及元轉還述世 羅可汗與髙開道苑君璋合衆攻之甚急鴻臚卿鄭九 莊一區錢百萬累轉并州總管統兵屯於鴈門突厥處

勇之将多儲金帛有来降者厚賞賜之數出奇兵略其

足圖也高祖無可任者乃使馳驛往經略之突厥懼其 城下受踐未稼敗其生業不出歲餘彼當無食馬邑不 劉蘭字文郁青州北海人也仕隋都陽郡書佐頗涉經 無逆謀始原其妻子 察遂誅世讓籍沒其家貞觀初突厥来降者言世讓初 威名乃縱反問言世讓與可汗通謀將為亂萬祖不之 北海完富蘭利其子女王帛與羣盜相應破其本鄉城 史善言成敗然性多免校見隋末将亂交通不逞於時

定四庫全書/

卷六十九

時深師都以突厥之師頓於城下蘭偃旗臥鼓不與之 突厥攜離有都射設阿史那摸末率其部落入居河南 王愔為夏州都督悟不之潘以蘭為長史總其府事時 争鋒賊徒宵追蘭追擊破之遂進軍夏州及師都平以 方蘭上言攻取之計太宗善之命為夏州都督府司馬 色武德中淮安王神通為山東道安撫大使蘭率宗黨 功遇豊州刺史徵為右領軍將軍十一年幸洛陽以蜀 在歸之以功累遷尚書員外即貞觀初梁師都尚據朔

近田里日

蘭縱反問以離其部落頡利果疑摸末摸末懼而頡利 刺史再轉夏州都督封平原郡公貞觀末以謀反腰斬 右聽衛大將軍丘行恭探其心肝而食之太宗聞而名 又遣兵追之蘭率衆逆擊敗之太宗以為能超拜豐州 行恭讓之日典刑自有常科何至於此必若食逆者心 李君美者名州武安人也初為王世充縣騎惡世充之 行恭無以答 而為忠孝則劉蘭之心為太子諸王所食豈至卿邪 定四庫全書

歃

巻六十九

玄武門太宗因武官內宴作酒令各言小名君羨自稱 言當有女武王者太宗惡之時君羨為左武衛將軍在 連郡公貞觀初太白頻畫見太史占日女主昌又有謠 牛黃金雜絲不可勝數太宗即位累遷華州刺史封武 及王世充等每戰必軍騎先鋒陷陣前後賜以宫女馬 為人乃與其黨叛而来歸太宗引為左右從討劉武周

又以君羨封邑及屬縣皆有武字深惡之會御史奏君

not to day


德唐書

小名五娘子太宗愕然因大笑曰何物女子如此勇猛

· 英與妖人員道信潛相謀結將為不軌遂下記誅之天 言恃弓長之邪識義兒斯畜惡跡遂彰雖道裕云反狀 檢弃前功而罹後患貪愚之將明矣張亮聽公題之妖 史臣曰侯君集推完克敵効用居多恃罷於功廳率無 授二年其家屬請閱稱冤則天乃追復其官爵以禮改 四月白三

未形而詭訴之性於斯驗矣萬微等深行陣勇冠戎夷

不能保其首領以至誅戮夫二三子非慎始而保終也



薛萬微傳卒與房數千騎相遇萬微單騎馳擊之〇新 張亮傳收為亮子名曰慎幾亮前婦子慎微每以養慎 世讓傳高祖無可任者〇 萬徹兄萬均 俄而屬至萬均直前斬其將衆遂潰是單騎馳擊者 書追奔至積石山大風折旗萬均曰虜且来乃勒兵 幾致諫○新書亮子 顕數諫止 舊唐書卷六十九考證). J. | | | | | | b 唐書考澄 臣德潛 按上文世讓答高

